



Arkivnr: 2014/12700-1

Saksbehandlar: Torill Monstad

Saksframlegg

Saksgang

Utval	Saknr.	Møtedato
Fylkesutvalet		27.03.2014

Samarbeid med CONNECT Vest-Norge, 2014 - 2017.

Samandrag

I sak 54/14, FUV 20.02.2014 «Gjennomgang og vidareføring av samarbeidsavtalar med regionale næringsretta utviklingsaktørar», vart det gjort ein gjennomgang og vurdering av dei organisasjonane som får økonomisk støtte til regional næringsutvikling i Hordaland. I saka sa fylkesrådmannen at han ville sjå nærare på moglegheitane for ei meir målretta samarbeid med Connect Vest med sikte på å oppfylle særskilte mål og innsatsområde i næringsplanen og handlingsprogrammet. I denne saka vert CONNECT Vest sin aktivitet og planar gjennomgått og sett i samanheng med både mål og strategiar og prioriteringar i Regional næringsplan for Hordaland 2013-2017 og Handlingsprogram for næringsutvikling i Hordaland for 2014 (HNH).

Forslag til innstilling/vedtak/avgjerd

"[Klikk her for å skrive]"

1. CONNECT Vest-Norge får ei tilsegn på inntil kr 540.000 som støtte til sitt arbeid kvart år i perioden Regional næringsplan for Hordaland 2014 – 2017 gjeld.
2. Tilsegna er kvart år basert på søknad der aktivitetar og planar vert skissert, samt ei årleg ordinær rapportering.
3. Hordaland fylkeskommune vil utbeide ein partnerskapsavtale med CONNECT Vest-Norge for den aktuelle tidsperioden.

Rune Haugsdal
fylkesrådmann

Bård Sandal
fylkesdirektør regional utvikling

Saksframlegget er godkjent elektronisk og har derfor inga underskrift.

Fylkesrådmannen, 10.03.2014

Bakgrunn

Viser til sak 54/14, FUV 20.02.2014 «Gjennomgang og vidareføring av samarbeidsavtalar med regionale næringsretta utviklingsaktørar». Der vart det gjort ein gjennomgang og vurdering av dei organisasjonane som får økonomisk støtte til regional næringsutvikling i Hordaland. I 2013 fekk Connect Vest fylkeskommunal støtte på kr 800.000 til sine ulike aktivitetar over RUP-budsjettet. Totalt har Connect Vest blitt støtta i meir enn fem år over RUP-budsjettet. Dei nasjonale retningslinene og våre eigne retningsliner har avgrensingar for kor lenge vi kan støtte ein aktør over HNH budsjettet, noko som kan ha betydning for vår støtte til Connect Vest. I saka sa fylkesrådmannen at han ville sjå nærare på moglegheitane for eit meir målretta samarbeid med Connect Vest med sikte på å oppfylle særskilte mål og innsatsområde i næringsplanen og handlingsprogrammet. Det er dette denne saka omhandlar.

Litt om organisasjonen CONNECT Vest

CONNECT Vest-Norge (CV) er ei non-profit sjølvstendig medlemsforeining som kostnadsfritt hjelper gründerar og vekstselskap ved å kopla dei mot kompetanse, nettverk og kapital. Målet er ei raskare utvikling av vekstbedrifter, for dermed å skape fleire levedyktige bedrifter og arbeidsplassar. Tilgangen til kompetanse, nettverk og kapital vert tilbode gjennom ulike aktiviteter og prosessar. Medlemmar i CV bidrar med kostnadsfri kompetanse til gründerar og vekstselskap gjennom å delta på CONNECT (Pre-) Springbrett®, Investorforum, Partnerforum, BedriftsAkselerator, direkte koplingar

mm. Dei nyttar òg sitt medlemsnettverk til å drifte mentorordninga til Innovasjon Norge. På den andre sida gir dette CONNECT medlemmane tilgang på informasjon om nye vekstselskap, ny teknologi, nye løysningar, ny kompetanse, nye kundar, nettverk og investeringsmoglegheiter. Det er 5 regionale CONNECT-nettverk som samarbeider tett og som koordinerer aktivitet gjennom den nasjonale stiftelsen CONNECT Norge. CONNECT-nettverka i Noreg deltek aktivt i samspel med andre internasjonale CONNECT-nettverk. CONNECT er òg tilstades i 38 land og har eit tett samarbeid med andre tilsvarende organisasjonar i heile verda.

CONNECT sine medlemmer kjem frå alle bransjer i næringslivet, offentleg og privat sektor. Det er no over 700 medlemsbedrifter i CONNECT Norge, og dei fleste er verksemder, men òg privatpersonar kan verte medlemmer. Organisasjonen har òg nasjonale samarbeidspartnarar som Telenor, Innovasjon Norge, Statoil, Schipsted Media Group, Bryn Aarflot og Det norske Veritas.

Vurdering

Årsaka til at Connect Vest har fått støtte frå fylkeskommunen i fleire år, er at fylkesrådmannen meiner dei fyller eit tomrom i entreprenørskapskjeda.

Regional næringsplan for Hordaland 2013-2017 har som overordna grep og hovudstrategiar blant anna at det må byggjast fleire «bruer» i Hordaland. Dette gjer CV med si kopling mellom det etablerte og det nyetablerte næringslivet, til det beste for begge partar. Næringsplanen har vidare som tre hovudstrategiar «meir entreprenørskap og innovasjon», «fleire gode grundere» og «fleire vekstkraftige verksemder». Noko av hovudpoenget her er å kople verksemder med vekstkapital, nettverk, samarbeidspartnarar og internasjonale marknader. CV sitt hovudfokus er den koplinga som vert gjort mellom sine medlemsbedrifter, investorar, Business Angels nettverket, kompetanse og spesialistar i ulike bransjar, generalistar innan marknadstilgong og kommunikasjon, potensielle kunder og samarbeidspartnarar, samt internasjonale nettverk og samarbeidspartnarar.

I næringsplanen står det òg at i tillegg til entreprenørskap og innovasjon i nystarta verksemder er det viktig å legge til rette for kontinuerlege innovasjonsprosessar i etablerte verksemder, for å styrke og trygge verdiskaping og arbeidsplassar. Her meiner fylkesrådmannen at CV spelar ei rolle i å auke kontakten for det etablerte næringliv til meir nyskapande grundere, spesielt kan hende ute i regionane er dette viktig. CV legg òg opp til eit auka fokus på distrikta i tida framover. CV ynskjer òg å gjennomføre mentorsamlingar i distrikta.

Næringsplanen seier vidare at det må rettast særskild merksemd på næringar som allereie har gode føresetnader for vekst og utvikling, samstundes som ein prøver å finne nye næringsmiljø med vekstpotensiale. For å få meir entreprenørskap og innovasjon skal vi særleg stimulere til innovasjon i etablerte verksemder, mellom anna gjennom klyngeutvikling og utvikling av nye innovative næringsmiljø med vekstpotensiale. CV jobbar aktivt opp mot dei inkubatorane, næringshagane og klyngene me har i Hordaland. CV er godt kjend i desse miljøa, har faste treffpunkt, og vert aktivt nytta i koplinga til kapital og kompetanse.

Vidare står det at Hordaland skal bli det leiande fylke i Noreg på samarbeid om næringsutvikling. Dette er CV med å bidra til, ved dei koplingane dei gjer mellom ulike bedrifter, kapital, verkemiddelapparatet etc.

I Handlingsprogram for næringsutvikling i Hordaland for 2014 (HNN) står det at HFK skal i si prioritering leggje vekt på verkemiddel som har til føremål å utvikle arbeidsplassar og bidra til verdiskaping i fylket. Samt ha fokus på godt samarbeid som fremjar kreativitet og framtidsretta tiltak og prosjekt. Fylkesrådmannen meiner at CV er ein svært operativ og aktiv bidragsytar til å realisere desse punkta gjennom dei koplingane dei gjer både regionalt, nasjonalt og internasjonalt for Hordalandsverksemder.

Handlingsprogrammet set fokus på tilretteleggjande tiltak som å styrke kompetanse og nettverk for alle grundere for å realisere verdiskapingspotensiale. Både med sine Springbrett og sine ulike konferansar er CV ein aktiv bidragsytar her. Gjennom sitt eige nettverk og samarbeidspartnarar rundt om i verda, bidreg CV til handlingsplanen si prioritering knytt til profilering og internasjonalisering.

Handlingsplanen peikar på å sikre nyskaping og vidareutvikling av kompetansebaserte regionale næringsmiljø gjennom inkubator- og næringshageprogramma, samt å medverke til auka klyngeutvikling gjennom aktiv deltaking i klyngeprogramma ARENA, NCE, GCE og klyngeutvikling i regi av sterke nettverksorganisasjonar. Ein skal legge tilrette for auka kompetanseoverføring og samhandling mellom dei sterke næringsklyngene i fylket. Det vil vere eit særskilt fokus på opne innovasjonsprosessar.

CV seier at dei koplur ulike personar og kompetanse til klyngene, og det bidreg til at den enkelte klynge får utvida sin «base» og nettverk, noko som forsterkar klynga si vidare utvikling og vekst. CV bidreg òg gjennom sine aktivitetar å utfordre klynga til å tenkje på tvers og på denne måten til å skape fleire og betre innovative miljø.

Konklusjon

Connect Vest har til no vore ein viktig samarbeidspartner for fylkeskommunen og for andre regionale utviklingaktørar i arbeidet med vekstentreprenørar. Aktiviteten deira er godt forankra i regional næringsplan og i handlingsprogrammet. Dersom Connect Vest må innstille eller redusere sin aktivitet på grunn av manglande fylkeskommunal støtte vil dette slå negativt ut i dette arbeidet.

Fylkesrådmannen la i saka 54/14, FUV 20.02.2014 «Gjennomgang og vidareføring av samarbeidsavtalar med regionale næringsretta utviklingsaktørar» opp til av ei ramme på inntil kr 800 000 til mogleg årleg støtte til Connect Vest. FUV vedtok å endre dette til kr 540.000.

Fylkesrådmannen legg opp til at dette er eit samarbeid som skal gå over heile planperioden til Regional næringsplan for Hordaland 2013-2017. Det vil seie 4 år i staden for det som kan hende er vanleg - 3 år.

Fylkesrådmannen vil vidare utabeide ein partnerskapsavtale med CONNECT Vest-Norge for den aktuelle tidsperioden. Denne type avtale vil vere meir eller mindre likelydande for dei andre organisasjonane og samarbeidspartnarane som HFK inngår avtale med.